



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

12 g Hilaria Künigin vnd andere Märterin zû Augspurg. Clara
Klosterjunckfraw.

urn:nbn:de:hbz:466:1-41449

die wolck vergieng / fand man den Bischoff / das er mit
aufgestreckten Händen vnd auffgehobnen Augen gen
Himmel / in seinem Stul verscheyden was.

Anno Dñi
794.

Item zu Paris die erhebung der H. dömin Kron
vnfers Herrn Jesu Christi / durch Kayser Carolum
Magnum / vonn Constantinopel gen Paris geschehen.
Dann da er das hailige Land von den Haiden eröbert /
nam er von dem Constantinopolischen Kayser diß stück
vonn der Kron / sampt anderen vilen Haythumben für
sein besoldung. Dey solcher Ehrwürdigen Kron seind vil
wunderzachen geschehen.

Anno Dñi
380.

Item zu Aquileia des H. Bischoffs vnd Beichtigers
Cromatij / welcher sein volck mit dem wort vnd Exempel
erwlich gelehret / vnd nach löblichem leben im seid ent-
schlaffen ist. Zu diesem Cromatio hat S. Hieronymus
etlich Episteln geschriben.

↳ S Tru-
donis statt,

Item zu * Sarchinio die erhebung der H. leiber Tru-
donis vnd Eucherij der Beichtiger Christi / geschehen
von Rudolpho dem Bischoff zu Lüttich.

Item zu Trier in der Thambkirchen / die erhebung
des Haupts S. Matheie des Apostels.

§ Pridie Idus Augusti.

Der XII. Tag im Augustimon.

§ **B**asilio / in Umbria / ist heut der tag der verschü-
dung der hailigen vnd Ehrwürdigen Jungfrawen
Clare / welliche / da sie eines Edlen geschlechtes war /
verlobete dannoch inn ihrer Jugent Gott stete Keusch-
heit / ward vonn ihren aignen Freunden vast angefoch-
ten /

zen / gab ihr groß Güt den Armen vnnnd der Kirchen /
 verließ alle Weltliche vnd zeitliche ding / vnd ward von
 S. Francisco / in seinem Orden / Christo dem vnsterb-
 lichen Breutigam geweyhet vnd vermählet. Dife Cla-
 ra ist ein Fürbild vnnnd Regel der Gaislichen Frawen /
 hat vil Junckfrawen mit ihrem Exempel beköhret / vnnnd
 zugleich volkommen leben versamblet: war eines gar
 strengen wandels / vnnnd wunderbarer Abstinenz:
 trug ein hädin Klaid an ihrem Edlen Leib. Auß gros-
 ser Demüt wüsch sie offte die Füß ihrer Wägd / vnd lebte
 vom Almüsen. Ist ein anfängerin gewesen ihres geist-
 lichen Ordens / so noch inn den Klöstern vorhanden.
 Vnd nach dem sie 42. Jar in fasten / betten vnnnd aller-
 ley Gaislichen übungen / gar Christlich vollendet hett /
 verschid sie im H. Erren. Leuchtet mit grossen Wunder-
 zeichen.

Item zu Augspurg in der Thämbkirchen zu vn-
 ser lieben Frawen / der heyligen Edlen Königin vnnnd
 Marterin Hilarie / S. Afre Wätter. Als sie sampt ih-
 rem Haußgesind von Sanct Narcisso beköhret vnd ge-
 tauft ward / vnnnd ihr selige Tochter vnnnd Marterin
 Afram begraben hette / auch mit sampt den dreien
 Wägden Digna / Eunomia / vnnnd Eutropia / bey ih-
 rem Grab in einem Häußlin wachet vnnnd bettet / Ließ
 der Haydnische Richter Gaius dasselb Häußlin mit
 dürem Holz vnnnd Dörnern füllen / beschliessen / anzün-
 den / vnnnd sie darinn verbrennen. Darbey auch Sanct
 Dionysius der erst Augspurgische Bischoff verbrennt
 sein soll.

Item bey derselben Statt Augspurg seind auff
 disen tag noch 25. Personen vmb des Namens Christi
 willen enthauptet worden / nemblich / Quiriacus / Lar-
 gio /

Anno Dñi
 1220.

Augustus

gio/ Crescentianus/ Euticianus/ Carito/ Fidalsus/ Petrus/ vnd die Frawen Nimmia/ Juliana/ Diomedea/ Leonida/ Agape/ vnd sunst dreyzehen andere/ welche alle in der Verfolgung des Gottlosen Kayfers Domitiani/ vmb des Glaubens willen Ritterlich gestritten haben.

*Catana.

Anno Dñi
587.

Item in Sicilia/ in der Statt *Catana/ der Geburtstag des heyligen Diacons Eupli/ welcher vnder den Tyrannischen Kaysern Diocletiano vnd Maximiano vmb bekantnuß willen des Herren/ lang vnd gewlich gepeinigt/ vnd endelich nach seiner Manhaftten bekantnuß durch enthauptung den Palmzeyg der Marter erlangt hat.

Item in der Statt Falari/ das leyden des heyligen Graciliani/ vnd der heyligen Junckfrawen Felicissime/ deren Mund hat man erstlich mit Steinen zerfnirscht/ darnach sie mit dem Schwerde gericht/ haben also ein gewünschten Palmzweig der Marter erlangt.

Item in Syria der H. Macharis vnd Iuliani.

Item des heyligen Porcaris Abts des Eyrinensischen Klosters vnd Marterers/ sampt fünff hundert Mönchen seiner Brüder/ welche vnder dem Waldansischen König Geiserico/ mit der Marter gekrönt sind worden.

Item zu Coln am Rhein/ in S. Ursule Kirchen/ helet man heut sonderliche gedächtnuß derselben heyligen/ edlen Königin Ursule/ vnd ihrer Gesellschaft der Eytfftausent Junckfrawen. Von welcher hernach weiter am 22. tag Weinmonats.

Item in dem Kloster Jetro/ der heyligen abtissin Agliberte.

A Idus